




Կ. ՊՈԼՍԻ ՊԱՏՐԻԱՐԺԱԿԱՆ ԱԹՈՌՈՒՄ

ՀՈՌՄԻ ՔԱՀԱՆԱՅԱԴԵՏ ՆՈՐԻՆ ՍՐԲՈՒԹՅՈՒՆ
ՀՈՒՀԱՆՆԵՍ-ՊՈՂՈՍ Բ ՊԱՊԻ ԱՅՅԵԼՈՒԹՅՈՒՆԸ Կ. ՊՈԼՍԻ
ՀԱՅՈՑ ՊԱՏՐԻԱՐԺԱԿԱՆ ԱԹՈՌՈՒՆ

1979 թվականի նոյեմբերի 29-ին Հոռմի Քահանայապետ Նորին Սրբությունը Հովհաննես-Պողոս Բ Պապը այցելեց Կ. Պոլսի Հայոց Պատրիարքական Աթոռին:

Հայոց Պատրիարքարանի շքամուտքի առջև Սրբազան Պապին դիմավորեց Կ. Պոլսի Հայոց Պատրիարք Տ. Շնորհք արքեպ. Գալուստյանը՝ շրջապատված հոգևոր դասով և եկեղեցական-ազգային կազմակերպությունների ներկայացուցիչներով:

Ողջագրությունից հետո Սրբազան Պապն ու Հայոց Պատրիարքը եկեղեցական թափուրով առաջնորդվեցին Հայոց պատմա-եան ու գեղեցիկ Պատրիարքարանի դահլիճ, որտեղ ներկա գտնվող համայնքային ներկայացուցիչները մեծ ոգևորությամբ և բուռն ծափահարություններով դիմավորեցին Սրբազան քահանայապետին, որը գոհունակությամբ բազմեց Իրեն հատկացված բազկաթոռին:

Նախ Հայոց ամենապատիվ Տ. Շնորհք Պատրիարքը բարի գալուստ մաղթեց Հովհաննես-Պողոս Բ Պապին և ապա արտա-

հայտեց հայ համայնքի ուրախությունն ու գոհունակությունը այդ առթիվ ու մաղթեց, որ իրականանա Նորին Սրբության՝ եկեղեցիների միության և աշխարհի խաղաղության ի նպաստ բոլոր բարի երազանքները:

Այնուհետև Սրբազան Քահանայապետը հանդես եկավ պատասխան ճառով և Իր ուրախությունն ու գոհունակությունը հայտնեց Հայ եկեղեցու հարկի տակ գտնվելու համար և անդրադարձավ Ամենայն Հայոց Վազգեն Ա Հայրապետի՝ Պողոս Զ Պապին Վատիկան տված աջակությանը և շնչոնեց, որ Ինքը լավ է ճանաչում ու գնահատում Հայաստանյայց եկեղեցին:

Ապա Սրբազան Պապն ու Հայոց Պատրիարքը մտերիմ և չեղմ գրույց ունենալուց հետո, ամպհովանու ներքո և զանգակների ղողանջների տակ, «Հրաշափառ»-ով առաջնորդվեցին արքունիստ Մայր եկեղեցի, որտեղ տեղի ունեցավ կարճ արարողություն և միատեղ աղոթք, որից հետո փոխանակվեցին ճառեր: